

"মিষ্টি বাচ্চারা :- তোমরা শান্তি স্থাপন করার নিমিত্ত, তাই তোমাদের অনেক শান্তিতে থাকতে হবে, তোমাদের বুদ্ধিতে যেন থাকে যে, আমরা বাবার দত্তক সন্তান, নিজেদের মধ্যে ভাই - বোনের সম্পর্ক"

প্রশ্ন :- সম্পূর্ণ সমর্পণ কাকে বলা হবে, তার নিদর্শন কি ?

উত্তর :- সম্পূর্ণ সমর্পিত তারাই, যাদের বুদ্ধিতে থাকে, আমরা ঈশ্বরীয় মা - বাবার পালনায় আছি । বাবা, এই সবকিছুই আপনার, আপনিই আমাদের পালনা করেন । কেউ যদি চাকরীও করে তবুও বুদ্ধিতে এই কথাই থাকে যে এই সবই বাবার জন্য । তারা বাবাকে সাহায্য করতে থাকে, তাতে এত বড় যজ্ঞ কারবার চলে, সকলের পালনাও হয়এমন বাচ্চারই হলো অর্পণ বুদ্ধি । এর সাথে সাথে উঁচু পদ পাওয়ার জন্য নিজে পড়তে হবে আর অন্যদের পড়াতেও হবে । শরীর নির্বাহের জন্য কর্ম করেও প্রতি শ্বাস - প্রশ্বাসে মাতা - পিতাকে স্মরণ করতে হবে ।

গীত :- ওম নমঃ শিবায়.....

ওম শান্তি । এ হলো গায়ন । বাস্তবে এই সমস্ত মহিমাই হলো উঁচুর থেকে উঁচু পরমাত্মার যাঁকে বাচ্চারা জানে আর বাচ্চাদের দ্বারা সম্পূর্ণ দুনিয়া জানে যে আমাদের মাতা - পিতা ওনারাই । এখন মাতা পিতার সঙ্গে তোমরা হলে কুটুম্ব । শ্রীকৃষ্ণকে তো মাতা - পিতা বলা যাবে না । যদিও তাঁর সঙ্গে রাধা আছেন তবুও তাঁদের মাতা পিতা বলা যাবে না কেননা তাঁরা তো প্রিন্স - প্রিন্সেস । শাস্ত্রের এই কথা ভুল । এখন এই বেহদের বাবা তোমাদের সমস্ত শাস্ত্রের সার বলে দিচ্ছেন । এই সময় তোমরা বাচ্চারাই তাঁর সামনে বসে আছো । কোনো কোনো বাচ্চা আবার দূরেও আছে । কিন্তু তারাও তো শুনছে । তারা জানে যে মাতা পিতা আমাদের এই সৃষ্টির আদি - মধ্য এবং অন্তের রহস্য বোঝাচ্ছেন আর সদা সুখী হওয়ার রাস্তা বা যুক্তি বলে দিচ্ছেন । এ হলো হুবহু ঘর । অল্প বাচ্চা এখানে আর অনেকেই তো বাইরে আছে । এ হলো ব্রহ্মা মুখ বংশাবলী, নতুন রচনা । ওরা হলো পুরানো রচনা । বাচ্চারা জানে যে বাবা আমাদের সদা সুখী করতে এসেছেন । লৌকিক মা বাবাও বাচ্চাদের বড় করে স্কুলে নিয়ে যায় । এখানে বেহদের বাবা আমাদের পড়াচ্ছেন একই সঙ্গে পালনাও করছেন । বাচ্চারা তোমাদের এখন ওই এক ছাড়া দ্বিতীয় আর কেউ নেই । মা বাবাও বুঝতে পারেন - এরা আমাদের বাচ্চা । লৌকিক কুটুম্ব হলে তাদের ১০ - ১৫টা বাচ্চা হয়, অনেকে আবার ২ - ৩ টে বিয়েও করে । এখানে তো এই সব বাবার সন্তানরা বসে আছে । যত বাচ্চার জন্ম দিতে হবে তা এখনই ব্রহ্মার মুখ কমল দ্বারাই সৃষ্টি করতে হবে । এরপরে তো আর বাচ্চার জন্ম হবে না । সবাইকেই ফিরে যেতে হবে । এই এক দত্তক নেওয়া মাতা হলেন নিমিত্ত । এ খুবই আশ্চর্যজনক কথা । এ তো অবশ্যই যে, গরীবের বাচ্চা বুঝতে পারবে আমার বাবাও গরীব । ধনী ব্যবসায়ীর সন্তানও বুঝতে পারবে আমার বাবা ধনী । দুনিয়াতে তো অনেক মাতা - পিতা আছেন । এ তো সম্পূর্ণ জগতের একই মাতা - পিতা । তোমরা সকলেই জানো যে, আমরা তাঁর মুখের দ্বারা অ্যাডাপ্ট হয়েছি । এঁরা আমাদের পারলৌকিক মা বাবা । এনারা পুরানো সৃষ্টিতেই আসেন, যখন মানুষ খুবই দুঃখী হয় । বাচ্চারা জানে যে, আমরা এই পারলৌকিক মাতা - পিতার দত্তক সন্তান । আমরা সকলেরই ভাই - বোনের সম্পর্ক । আমাদের আর অন্য কোনো সম্বন্ধ নেই । তাহলে ভাই - বোনেদের নিজেদের মধ্যে

খুব মিষ্টি, রয়াল, শান্তিপূর্ণ, জ্ঞানী এবং আনন্দের সঙ্গে থাকতে হবে। যেহেতু তোমরা শান্তি স্থাপন করছো তাই তোমাদের নিজেদের খুব শান্তিতে থাকতে হবে। ল বাচ্চাদের তো এইকথা বুদ্ধিতে থাকা উচিত যে, আমরা পারলৌকিক বাবার দত্তক সন্তান। পরমধাম থেকে এখন বাবা এসেছেন। উনি হলেন ঠাকুরদাদা আর এই দাদা হলেন বড় ভাই। যারা সম্পূর্ণ সমর্পণ হতে পারবে, তারাই বুম্বতে পারবে যে আমরা ঈশ্বরীয় মা - বাবার পালনায় থাকি। বাবা, এই সবকিছুই আপনার। আপনি আমাদের পালনা করেন। যে বাচ্চারা সমর্পণ হয়, তাদের সাহায্যেও অনেকের পালনা হয়। চাকরীও যদি কেউ করে, তারাও ভাবে, এই সবকিছুই বাবার জন্য। তাই তারা বাবাকে সাহায্য করতে থাকে। না হলে এই যন্ত্রের কাজ কিভাবে চলবে। রাজা রানীকেও মাতা - পিতা বলা হয়। কিন্তু তারা হলো শরীরের মাতা - পিতা। রাজ - মাতাও বলা হয় আবার রাজ - পিতাও বলা হয়। আর ইনি হলেন বেহদের। বাচ্চারা জানে যে আমরা মাতা - পিতার সঙ্গে বসে আছি। বাচ্চারা এও জানে যে, আমরা যত পড়বো আর পড়বো ততই উঁচু পদ পাবো। এর সাথে সাথে শরীর নির্বাহের কারণে কর্ম তো করতেই হবে। এই দাদাও বৃদ্ধ। শিববাবাকে কখনো বৃদ্ধ বা জোয়ান বলা হবে না। তিনি হলেন নিরাকার। এও তোমরা জানো যে আমাদের আত্মাদের নিরাকার বাবা দত্তক নিয়েছেন। আর সাকারে এই ব্রহ্মা। 'আমি আত্মা' বলি আমি বাবাকে আপন করেছি। এরও নিচে এলে বলবে, আমরা ভাই - বোনেরা ব্রহ্মাকে আপন করেছি। শিববাবা বলেন - তোমরা ব্রহ্মার দ্বারা ব্রহ্মামুখ বংশাবলী হয়েছে। ব্রহ্মাও বলেন, তোমরা আমার সন্তান হয়েছে। তোমাদের ব্রাহ্মণদের বুদ্ধিতে এবং শ্বাসে - প্রশ্বাসে এই কথাই চলবে যে, ইনি আমাদের বাবা, উনি আমাদের দাদা। বাবার থেকে বেশী দাদাকে স্মরণ করো। দুনিয়ার মানুষ তো বাবার থেকে ঝগড়া ইত্যাদি করেও দাদুর সম্পত্তি নিয়ে থাকে। তোমাদের তো চেষ্টা করে বাবার থেকে বেশী দাদুর আশীর্বাদী বর্ষা নিতে হবে। বাবা যখন জিঞ্জিৎস করেন, তখন সকলেই বলে, আমরা নারায়ণের সঙ্গে বিয়ে করবো। কেউ কেউ নতুন আসে, যারা পবিত্র থাকতে পারে না, তারা হাত ওঠায় না। তারা বলে, মায়া খুবই প্রবল। তারা তো বলতেই পারে না যে আমরা শ্রীনারায়ণ বা লক্ষ্মীকে বিয়ে করবো। দেখো, বাবা যখন সামনে শোনান, তখন খুশীর পারদ কতখানি চড়ে। বুদ্ধিকে পরিচ্ছন্ন করা হলে নেশা চড়তে থাকে। কারোর এই নেশা স্থায়ী হয়, কারোর আবার কম হয়ে যায়। বেহদের বাবাকে স্মরণ করতে হবে, ৮৪ জন্মকে স্মরণ করতে হবে আর চক্রবর্তী রাজাকেও স্মরণ করতে হবে। যারা মানবে না, তাদের স্মরণও ভালো থাকবে না। বাপদাদা বুম্বতে পারে যে অনেক বাচ্চা বাবা - বাবা বলতে থাকে কিন্তু সত্যিকারের স্মরণ করে না আর লক্ষ্মী - নারায়ণ হওয়ার যোগ্যও হয় না। চালচলনই এমন। অন্তর্যামী বাবা সকলের বুদ্ধিকেই বুম্বতে পারেন। এখানে তো শাস্ত্রের কোনো কথাই নেই। বাবা এসেই রাজযোগ শিখিয়েছিলেন যার নাম গীতা রাখা হয়েছে। বাদবাকি ছোটো ছোটো ধর্মের লোকেরা নিজেদের মতো শাস্ত্র বানিয়ে নেয় আর তা পড়তে থাকে। শিববাবা কোনো শাস্ত্র পড়েন নি। তিনি বলেন, বাচ্চারা, আমি তোমাদের স্বর্গের রাস্তা বলে দিতে এসেছি। তোমরা যেমন অশরীরী এসেছিলে, তেমনই তোমাদের যেতে হবে। দেহের সঙ্গে সব দুঃখের কর্মবন্ধন ছেড়ে দিতে হবে কেননা এই দেহও দুঃখ দেয়। অসুস্থ হলে ক্লাসে আসতে পারবে না। তাহলে এও তো দেহেরই বন্ধন হয়ে গেলো, এতে তুখোড় বুদ্ধির প্রয়োজন। প্রথমে তো এই নিশ্চয়তা থাকা দরকার যে, বরাবর শিববাবাই স্বর্গের রচনা করেছিলেন। এখন তো হলো নরক। যখন কেউ মারা যায়, তখন বলা হয়, উনি স্বর্গে গেছেন, তাহলে অবশ্যই নরকে ছিলেন। তোমরা এখন এই কথা বুম্বতে পারো কারণ স্বর্গ কি, তা তোমরা জানো। বাবা রোজই নতুন নতুন পদ্ধতিতে বোঝান যাতে তোমাদের বুদ্ধিতে খুব ভালোভাবে বসে। তিনি আমাদের বেহদের মাতা - পিতা। তখন প্রথমেই বুদ্ধি একদম ওপরে চলে যাবে ল তারপর বলবে, এইসময় বাবা আবুতে আছেন

। যেমন তীর্থযাত্রায় গেলে বদ্রীনাথের মন্দির উপরে দেখা যায় । পান্ডারা নিয়ে যায়, বদ্রীনাথ তো নিজে নিতে আসেন না । মানুষ পান্ডা হয় । এখানে শিববাবা নিজে নিতে আসেন পরমধাম থেকে । তিনি বলেন, হে আত্মারা, তোমাদের এই শরীর ত্যাগ করে শিবপুরীতে যেতে হবে । যেখানে যেতে হবে তার চিহ্ন অবশ্যই স্মরণে থাকবে । ওই চৈতন্যে এসে তোমাদের সঙ্গে করে নিয়ে যাবেন, এমন তো হতে পারে না । তিনি তো এখানকার বাসিন্দা । এই পরমপিতা পরমাত্মা বলেন, আমি পরমধামের অধিবাসী । তোমাদের নিতে এসেছি । কৃষ্ণ তো এমন কথা বলতে পারেন না । রুদ্র শিববাবা বলেন, আমি এই রুদ্র যজ্ঞ রচনা করেছি । গীতাতেও এই রুদ্রের কথা লেখা আছে । এই রুহানী বাবা বলেন, আমাকে স্মরণ করো । বাবা এমন যুক্তির সাহায্যে এই যাত্রা শেখান যে, যখন বিনাশ হবে তখন তোমরা আত্মারা শরীর ত্যাগ করে বাবার সঙ্গে চলে যাবে । তখন তো শুদ্ধ আত্মার জন্য শুদ্ধ শরীরের প্রয়োজন, তা তখনই সম্ভব যখন সৃষ্টি নতুন হবে । এখন তো সমস্ত আত্মারাই মশার সদৃশ বাবার সঙ্গে ফিরে যাবে, তাই তো বাবাকে কান্ডারী বলা হয় । তিনি এই বিষয় সাগর থেকে ওইপারে নিয়ে যান । কৃষ্ণকে কান্ডারী বলা যাবে না । বাবাই এই দুঃখের সংসার থেকে আমাদের সুখের সংসারে নিয়ে যান । এই ভারত একদিন বিষ্ণুপুরী, লক্ষ্মী - নারায়ণের রাজ্য ছিলো । এখন এ হলো রাবণপুরী । রাবণের চিত্রও দেখানো উচিত । এই চিত্র দেখিয়েও অনেককিছু বোঝানো যাবে । আমাদের আত্মাও যেমন, বাবার আত্মাও তেমনই । কেবল আমরা আগে অজ্ঞানী ছিলাম আর তিনি হলেন জ্ঞানের সাগর । তাকেই অজ্ঞানী বলা হয়, যার রচনা আর রচয়িতার জ্ঞান থাকে না । রচয়িতার দ্বারা যারা রচনা আর রচয়িতাকে জানতে পারে, তারাই জ্ঞানী । এই জ্ঞান তোমরা এখানেই, এই সঙ্গমেই পাও । সত্যযুগে এই জ্ঞান থাকে না । দুনিয়ার মানুষ বলে, পরমাত্মা এই বিশ্বের মালিক, সেই মালিককে তারা স্মরণ করে কিন্তু প্রকৃতপক্ষে বিশ্বের বা এই সৃষ্টির মালিক হলেন লক্ষ্মী - নারায়ণ । নিরাকার শিববাবা তো কখনোই এই বিশ্বের মালিক হন না । তাই তাদের জিজ্ঞাসা করা দরকার, সেই মালিক নিরাকার নাকি সাকার ? নিরাকার তো এই সাকার সৃষ্টির মালিক হতে পারেন না । তিনি হলেন ব্রহ্মান্ডের মালিক । তিনি এসেই এই পতিত দুনিয়াকে পবিত্র করেন । নিজে এই পবিত্র দুনিয়ার মালিক হন না । এই দুনিয়ার মালিক তো লক্ষ্মী - নারায়ণ হন আর তাঁদের সেই মালিকে পরিণত করেন বাবা স্বয়ং । এটা খুব গুহ্য বোঝার কথা । আমরা আত্মারা যখন ব্রহ্ম তত্ত্বে থাকি, তখন আমরা ব্রহ্মান্ডের মালিক । ভারতের রাজা - রানী যেমন বলবেন আমরা ভারতের মালিক তেমনই প্রজারাও বলবে, আমরা ভারতের মালিক । তারাও তো সেখানে থাকে, তাই না ? তেমনই বাবাও যেমন ব্রহ্মান্ডের মালিক, আমরাও ঠিক তেমনই সেই ব্রহ্মান্ডের মালিক । আবার বাবা এসেই এই নতুন সৃষ্টিতে মনুষ্য রচনা করেন । তিনি বলেন, আমি এখানে রাজত্ব করি না, আমি মনুষ্য জন্মে আসি না । আমি তো এই ব্রহ্মার শরীরও ধার নিয়ে থাকি । তোমাদের এই সৃষ্টির মালিক করার জন্য আমি রাজযোগ শেখাই । তোমরা যত পুরুষার্থ করবে, ততই উঁচু পদ পাবে তাই এতে কম করো না । টিচার তো সকলকেই পড়ান । যদি পরীক্ষায় অনেকে পাস করে তাহলে টিচারেরও নাম হয় । তখন অনেকসময় গভর্নমেন্ট থেকে প্রমোশনও দেওয়া হয় । এখানেও এমন । যত ভালোভাবে পড়বে, তত ভালো পদ পাবে । মা - বাবাও খুশী হবে । মানুষ পরীক্ষায় পাস করলে মিষ্টি খাওয়ায় সবাইকে । এখানে তো তোমরা মিষ্টি কথার ভাগ দাও সবাইকে । তারপর যখন পরীক্ষায় পাস হয়ে যাও, তখন সোনার ফুলের বর্ষা হয় । তোমাদের ওপর আকাশ থেকে কোনো ফুলের বর্ষণ হবে না, কিন্তু তোমরা সোনার মহলের মালিক হয়ে যাও । এখানে তো কারোর মহিমা করার জন্য সোনার ফুল বানিয়ে তার উপর ছড়ানো হয় । যেমন দরভাগ্যর রাজা খুব ধনী ছিলেন । তার সন্তান যখন বিলেতে গিয়েছিলেন, তখন তিনি পাটি দিয়েছিলেন, অনেক টাকা খরচ করেছিলেন । উনি সোনার

ফুল বানিয়ে তার বর্ষণ করেছিলেন। এতে অনেক টাকা খরচ হয়ে গিয়েছিলো। তার অনেক নামও হয়েছিলো। মানুষ বলতো, দেখো, ভারতবাসি কিভাবে পয়সা ওড়ায়। তোমরা তো নিজেরাই সোনার মহলে থাকবে, তাহলে তোমাদের কত নেশা থাকা উচিত। বাবা বলেন, কেবল আমাকে আর এই চক্রকে স্মরণ করো তাহলেই তোমাদের বেড়া পার হয়ে যাবে। এ কত সহজ।

তোমরা বাচ্চারা হলে সেই চৈতন্য বহি পতঙ্গ আর বাবা হলেন চৈতন্য বহি। তোমরা বলো, এখন আমাদের রাজ্য স্থাপন হতে হবে। এখন সেই প্রকৃত বাবা এসেছেন, আমাদের ভক্তির ফল দিতে। বাবা নিজে বলেছেন, আমি কিভাবে এসে এই নতুন ব্রাহ্মণের সৃষ্টি রচনা করি। আমাকে অবশ্যই আসতে হয়। তোমরা বাচ্চারা জানো যে আমরা ব্রহ্মাকুমার আর কুমারী। শিববাবার নাতি। এই পরিবার হলো আশ্চর্যের। কিভাবে দেবী - দেবতা ধর্মের কলমের চারা লাগছে। ঝাড়ে সব পরিষ্কার করে বোঝানো আছে। নীচে তোমরা বসে আছো। তোমরা বাচ্চারা কতো সৌভাগ্যশালী। তোমাদের অতি প্রিয় বাবা বসে তোমাদের বোঝান, আমি এসেছি তোমাদের রাবণের শিকল থেকে মুক্ত করতে। রাবণ তোমাদের রোগী করে দিয়েছে। বাবা এখন বলেন, আমাকে স্মরণ করো অর্থাৎ শিববাবাকে স্মরণ করো, এতে তোমাদের জ্যোতি জাগ্রত হবে, আর তোমরা হালকা হয়ে ওড়তে পারবে। মায়া সবার ডানা ভেঙ্গে দিয়েছে। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) বুদ্ধিকে সুন্দর এবং শক্তিশালী বানানোর জন্য, দেহের বন্ধন থেকে পৃথক থাকতে হবে। অশরীরী হওয়ার অভ্যাস করতে হবে। অসুস্থতা ইত্যাদির সময়ও বাবার স্মরণে থাকতে হবে।

২) তোমরা পারলৌকিক মাতা - পিতার সন্তান, তাই খুবই মিষ্টি, রাজকীয়, শান্তিপূর্ণ, জ্ঞানী এবং আনন্দিত থাকতে হবে। শান্তিতে থেকেই আমাদের শান্তি স্থাপন করতে হবে।

বরদান :- অটুট স্মরণের দ্বারা সর্ব সমস্যার সমাধান করে উড়ন্ত পাখি হও

যখন এই অনুভব হয়, "আমার বাবা", তখন যা আমার তা স্বতঃই স্মরণে আসে। স্মরণ করতে হয় না। 'আমার' অর্থাৎ অধিকার প্রাপ্ত হয়ে যাওয়া। আমার বাবা আর আমি বাবার - একেই বলা হয় সহযোগ। এমন সহযোগী হয়ে বাবার স্মরণে মগ্ন থেকে সামনে এগিয়ে চলো। এমন অটুট স্মরণই সর্ব সমস্যার সমাধান করে, উড়ন্ত পাখি বানিয়ে তোমাদের উড়তি কলায় নিয়ে যাবে।

স্লোগান :- মনন শক্তির অনুভবী হও তাহলেই জ্ঞান ধন বাড়তে থাকবে।